



O‘ZBEKISTON RESPUBLIKASI DAVLAT AKTIVLARINI BOSHQARISH AGENTLIGINING YAGONA AKSIYADOR (ISHTIROKCHI) QARORI

2024 yil “11” iyun

№ 126/09-2-qr

Toshkent sh.

“Angren logistika markazi” aksiyadorlik jamiyatining 2023-yil moliya-xo‘jalik faoliyati natijalari to‘g‘risida

“Aksiyadorlik jamiyatlari va aksiyadorlarning huquqlarini himoya qilish to‘g‘risida”gi O‘zbekiston Respublikasi Qonunining 58-moddasi, “Angren logistika markazi” AJ kuzatuv kengashi majlisining 2024-yil 27-maydagi qarori hamda “Angren logistika markazi” AJning 2024-yil 27-maydagi LC/197-son murojaatiga asosan Davlat aktivlarini boshqarish agentligi **qaror qiladi**:

1. Quyidagilar:

a) “Angren logistika markazi” AJning (*keyingi o‘rinlarda – jamiyat*) 2023-yil yakuni bo‘yicha:

jami daromad 6 655,8 mln so‘mni tashkil etganligi va o‘tgan yilning mos davriga (2 069,3 mln so‘m) nisbatan 4 586,5 mln so‘mga (321,7 foiz) ko‘payganligi, (12 526,8 mln so‘m) reja 5 871,0 mln so‘mga (46,9 foiz) kam bajarilganligi;

jami harajatlari 6 285,2 mln so‘mni tashkil etganligi va o‘tgan yilning mos davriga (2 250,6 mln so‘m) nisbatan 4 034,6 mln so‘mga (279,2 foiz) ko‘payganligi, belgilangan (11 102,8 mln so‘m) rejaga nisbatan 4 817,6 mln so‘mga (56,6 foiz) ko‘p sarf-harajat qilinganligi;

sof foyda 370,6 mln so‘mni tashkil etganligi va o‘tgan yilning mos davriga (181,4 mln so‘m zarar) nisbatan 551,9 mln so‘mga (304,4 foiz) ko‘payganligi, belgilangan (1 423,9 mln so‘m) reja 1 053,4 mln so‘mga (74 foiz) kam bajarilganligi;

debitorlik qarzdorligi 5 729,2 mln so‘mni tashkil etganligi va yil boshiga (21 311,9 mln so‘m) nisbatan 15 582,8 mln so‘mga (73,2 foiz) kamayganligi, bunda muddati o‘tgan debitorlik qarzdorlik 3 346,1 mln so‘mni tashkil etganligi;

kreditorlik qarzdorligi 1 120,9 mln so‘mni tashkil etganligi va yil boshiga (570,3 mln so‘m) nisbatan 550,6 mln so‘mga (96,6 foiz) ko‘payganligi, bunda muddati o‘tgan kreditorlik qarzdorlik 141,0 mln so‘mni tashkil etganligi;

b) jamiyat ijroiya organi faoliyatini samaradorlik muhim ko‘rsatkichlari (SMK) 2023-yilda **103,2 foizni** tashkil etganligi;

d) Vazirlar Mahkamasining 2018-yil 14-dekabrda 1013-son qarori bilan tasdiqlangan “Davlat ishtirokidagi korxonalarining moliyaviy-iqtisodiy holati tahlilini o‘tkazish Reglamenti”ga asosan jamiyatning moliyaviy-iqtisodiy holati past rentabelligi va asosiy vositalari eskirganligi;

e) “**TTT-Audit**” MChJ auditorlik tashkiloti tomonidan jamiyatning korporativ boshqaruv tizimi 636 ball (yuqori)ga baholanganligi va 2023-yil yakuni bo‘yicha moliyaviy hisobotlari haqqoniyligi to‘g‘risida ijobiy xulosa berilganligi;

f) jamiyat kuzatuv kengashi tomonidan 2024-yildagi moliyaviy-xo‘jalik faoliyatini majburiy auditdan o‘tkazish uchun “**Amir-Audit**” MChJ auditorlik tashkiloti tanlanganligi va uning xizmati haqi **22,4 mln so‘m** etib belgilanganligi;

g) jamiyatning 2023-yil moliyaviy-xo‘jalik faoliyati va sof foyda taqsimoti kuzatuv kengashining 2024-yil 27-maydagi majlisida ko‘rib chiqilganligi va ma‘qullanganligi;

h) jamiyat aksiyadorlarining 2022-yil 30-iyundagi qarori bilan jamiyat bosh direktori Abduraimov Botir Turaevich **uch yil muddatga** saylanganligi;

i) jamiyat ijro organining 2023-yil yakunlari bo‘yicha tayyorlangan hisobotlari **ma‘lumot uchun qabul qilinsin**.

2. Jamiyatning 2023-yil moliya-xo‘jalik faoliyati natijalari bo‘yicha yillik hisoboti tasdiqlansin.

3. Jamiyatning 2023-yil yakunlari bo‘yicha olingan **370 593 060,10 so‘m** sof foydasi taqsimoti jamiyat kuzatuv kengashining 2024-yil 27-maydagi majlisida berilgan takliflarini inobatga olib, quyidagicha taqsimlansin:

sof foydaning 50 foizini, ya‘ni **185 296 530,05 so‘m**ni davlat ulushi bo‘yicha **dividendga**;

sof foydaning 45 foizini, ya‘ni **166 766 877,05 so‘m**ni jamiyatning ustav fondiga kapitalizatsiya qilish sharti bilan **jamiyatni rivojlantirishga**;

sof foydaning 5 foizini, ya‘ni **18 529 653,0 so‘m**ni jamiyatning **zaxira fondiga**.

4. Jamiyatning 2024-yil uchun moliyaviy-xo‘jalik faoliyatini majburiy auditdan o‘tkazish uchun “**Amir-Audit**” MChJ auditorlik tashkiloti tanlansin va uning xizmati haqi **22,4 mln so‘m** etib belgilansin.

5. Jamiyat kuzatuv kengashining 2024-yil 30-maydagi takliflarini inobatga olgan holda kelgusida debitor va kreditor qarzdorliklarni kamaytirish hamda biznes reja ko‘rsatkichlari va samaradorlikning muhim ko‘rsatkichlarini bajarish sharti bilan **Abduraimov Botir Turaevich** bilan tuzilgan mehnat shartnomasi muddati 2024-yil moliya-xo‘jalik faoliyati yakuni bo‘yicha yagona aksiyadorning qarori qabul qilingunga qadar uzaytirilsin.

6. Jamiyatning 2024-yil uchun mo‘ljallangan biznes-rejasi jamiyat kuzatuv kengashining 2023-yil 28-noyabrdagi majlisida ma‘qullanganligini inobatga olib, ilovaga muvofiq tasdiqlansin.

7. Jamiyat bosh direktori B. Abduraimovga:

jamiyatning 2024 yil uchun moliyaviy-xo'jalik faoliyatini auditdan o'tkazish uchun "**Amir-Audit**" MChJ auditorlik tashkiloti bilan shartnoma imzolanishini;

jamiyatning moliya-xo'jalik faoliyatini yaxshilash, 2024-yilga mo'ljallangan biznes-reja ko'rsatkichlarini o'z vaqtida va sifatli bajarilishini;

har chorak yakuni bo'yicha biznes-reja ko'rsatkichlari bajarilishi to'g'risidagi hisobotini Davlat aktivlarini boshqarish agentligining veb-saytiga (kpi.davaktiv.uz) elektron shaklda kiritib borilishini;

O'zbekiston Respublikasi Prezidentining 2022-yil 8-noyabrdagi PQ – 415-son qaroriga asosan jamiyatning kuzatuv kengashi majlisi bayonlari va yagona aksiyador qarorlari ular rasmiylashtirilgandan so'ng, **o'n kun muddatda** Davaktiv agentligining "Davlat mulki" axborot tizimida joylashtirib borilishini;

jamiyatning moliya-xo'jalik faoliyati yakuni, jumladan biznes-rejaning asosiy ko'rsatkichlari bajarilishi haqidagi hisobotni har chorakda jamiyat kuzatuv kengashiga taqdim etib borilishini ta'minlasin.

8. Mazkur qaror ijrosini nazorat qilish Davlat aktivlarini boshqarish agentligi direktorining birinchi o'rinbosari N. Xusanov zimmasiga yuklatilsin.

Direktor



A. Ortikov